

**-KOLEGIJ SEKRETARA-**

Broj: 0105-1715-1/24

Sarajevo, 21. 02. 2024. godine

**Z A P I S N I K**  
**SA 4. SJEDNICE KOLEGIJA SEKRETARA**  
**UNIVERZITETA U SARAJEVU**  
**ODRŽANE 21. 02. 2024. GODINE**

**Prisutne/i sekretarke/i:** Elma Dozo, Akademija likovnih umjetnosti, Aida Hamzić, (po ovlaštenju) Akademija scenskih umjetnosti, Sanela Đogić, Arhitektonski fakultet, Senada Laličić (po ovlaštenju), Ekonomski fakultet, Aida Sarajlić Ovčina, Elektrotehnički fakultet, Ermina Bakić, Fakultet za kriminalistiku, kriminologiju i sigurnosne studije, Umihana Mahmić, Fakultet političkih nauka, Alma Čeljo, Fakultet sporta i tjelesnog odgoja, Đenita Krnić, Fakultet za saobraćaj i komunikacije, Maja Skopljak, Farmaceutski fakultet, Amela Jašarević, Fakultet zdravstvenih studija, Maida Bešić, Filozofski fakultet, Sabina Bajrić, Građevinski fakultet, Sanja Miličević, Katolički bogoslovni fakultet, Amel Kasapović, Mašinski fakultet, Svjetlana Bajramović, (po ovlaštenju), Medicinski fakultet, Lamija Selman, Muzička akademija, Binasa Nikšić, Pedagoški fakultet, Fatima Tiro-Čindrak, Poljoprivredno-prehrambeni fakultet, Vesna Lazić Buljan, Pravni fakultet, Jasmina Hasanbegović, Prirodno-matematički fakultet, Delila Salihović, Šumarski fakultet, Emir Džaferović, Institut za genetičko inženjerstvo i biotehnologiju, Fatima Išerić, Institut za historiju, Edis Ikanović, Institut za istraživanje zločina protiv čovječnosti i međunarodnog prava, Suada Avdić, Institut za jezik

**Odsutne sekretarke:** Emina Muderizović, Fakultet islamskih nauka, Edisa Lišić, Stomatološki fakultet sa stomatološkim kliničkim centrom, Sabrina Grbo, Veterinarski fakultet, Belma Hajradinović (po ovlaštenju), Orijentalni institut i Emir Smajić, Fakultet za upravu – pridružena članica Univerziteta u Sarajevu.

**Sjednici prisustvuju:** Berina Smajlović-Doljančić, rukovoditeljica Službe za pravne poslove, Semir Đulić, viši stručni saradnik u Službi za pravne poslove, Merisa Kurtanović, rukovoditeljica Pomoćnog operativnog centra za visoko obrazovanje Univerziteta i Alma Voloder-Madacki, viša stručna saradnica u Službi za pravne poslove, u svojstvu zapisničarke.

Sjednica je počela u 12:00 sati.

Sjednicom je predsjedavao Kenan Filipović, generalni sekretar Univerziteta u Sarajevu.

Na prijedlog generalnog sekretara usvojen je slijedeći

### **DNEVNI RED:**

1. Usvajanje Zapisnika sa 3. sjednice Kolegija sekretara Univerziteta u Sarajevu od 24. 01. 2024. godine
2. Prijedlog Instrukcije o postupku ispravke greške u izdatoj diplomi/dodatku diplomi i izdavanja duplikata diplome/dodatka diplomi na Univerzitetu u Sarajevu
3. Primjena Pravilnika o radu Univerziteta u Sarajevu i Pravilnika o plaćama i naknadama Univerziteta u Sarajevu
4. Akta Inspektorata rada, zaštite na radu i socijalne zaštite Kantona Sarajevo
5. Tekuća pitanja.

### **TOK SJEDNICE:**

#### **Ad-1.**

Zapisnik sa 3. sjednice Kolegija sekretara Univerziteta u Sarajevu od 24. 01. 2024. godine, usvojen je jednoglasno.

#### **Ad-2.**

Članice i članove Kolegija su informirani da je na održanim redovnim sjednicama vijeća grupacija nauka i umjetnosti u februaru 2024. godine, podržan Prijedlog Instrukcije o postupku ispravke greške u izdatoj diplomi/dodatku diplomi i izdavanja duplikata diplome/dodatka diplomi na Univerzitetu u Sarajevu. Navedeni Prijedlog Instrukcije se upućuje Senatu na razmatranje i odlučivanje.

#### **Ad-3.**

U vezi sa primjenom Pravilnika o radu Univerziteta u Sarajevu i Pravilnika o plaćama i naknadama Univerziteta u Sarajevu, gospodin Kenan Filipović podsjetio je članice i članove Kolegija da je stupanjem na snagu Pravilnika o radu Univerziteta u Sarajevu počeo teći rok od 90 dana za utvrđivanje prijedloga pravilnika o unutrašnjoj organizaciji i sistematizaciji radnih mjesta članica Univerziteta u Sarajevu (obaveza iz člana 117. Pravilnika). Također je podsjetio da je shodno odredbi člana 50. stav (5), a u vezi sa članom 25. stavovima (4) i (5) Pravilnika o plaćama i naknadama Univerziteta u Sarajevu počeo teći rok od 45 dana za donošenje posebnog općeg akta vijeća članice Univerziteta kojim se utvrđuje visina, način i dinamika isplate naknada,

kao i donošenja odluke vijeća članice Univerziteta u Sarajevu kojom se utvrđuje visina i način isplate naknada za rukovođenje doktorskim programom članice, te akademskim, stručnim, specijalističkim, dualnim, interdisciplinarnim, transdisciplinarnim i multidisciplinarnim studijskim programima koji se realizuju u okviru Univerziteta/članice samostalno ili sa drugom domaćom ili stranom visokoškolskom ustanovom, institucijom ili poslovnim subjektom.

Na održanoj sjednici je diskutirano i o šutnji administracije u pogledu nerješavanja mnogobrojnih zahtjeva članica/Univerziteta upućenih resornom Ministarstvu.

Također je diskutirano i o radnom vremenu na Univerzitetu, te je konstatirano da će se općim aktom urediti ovo pitanje, te ostaviti mogućnost članicama Univerziteta da urede pitanje trajanja odmora u toku radnog vremena (pauza).

Gospođa Merisa Kurtanović je podsjetila članice i članove Kolegija na obavezu dosljedne primjene propisa na koje se pozivaju članice u aktima koji se dostavljaju Pomoćnom operativnom centru za visoko obrazovanje Univerziteta. Također je istakla da Služba za ljudske resurse Univerziteta priprema dokument kojim će se unificirati procedure koje tretiraju angažman nastavnog osoblja Univerziteta. Navedeni dokument će biti dostavljen i Kolegiju sekretara na razmatranje.

#### **Ad-4.**

U vezi sa aktima Inspektorata rada, zaštite na radu i socijalne zaštite Kantona Sarajevo, gospođa Berina Smajlović Doljančić je upoznala članice i članove Kolegija da pisano upozorenje koje ova Inspekcija donese u postupku nadzora na Univerzitetu, odnosno njenoj članici, je ujedno upozorenje svim ostalim članicama koje se tiče predmeta nadzora, kao i da će Inspekcija u provođenju nadzora po istom predmetu nadzora naredni put izreći novčanu kaznu.

S tim u vezi, konstatirano je da će se pregled izrečenih mjera od strane Kantonalne uprave za inspeksijske poslove koje je zaprimio Univerzitet proslijediti i svim članicama Univerziteta.

Gospodin Kenan Filipović je informisao članice i članove Kolegija da će u cilju informiranja članica Univerziteta biti proslijeđen mogući hodogram aktivnosti za realizaciju akta o zaštiti na radu za radna mjesta koja predstavljaju rad sa opasnim materijama na Univerzitetu kao i Registar ovlaštenih organizacija za obavljanje stručnih poslova iz oblasti zaštite na radu.

#### **Ad-5.**

U okviru tačke *Tekuća pitanja* gosp. Kenan Filipović je podsjetio članice na obavezu dostavljanja poslovnika o radu vijeća članica Univerziteta usklađenih sa Statutom Univerziteta u Sarajevu iz 2023. godine

Sjednica je završena u 13:30 sati.

**PREDSJEDAVAJUĆI**

**Kenan Filipović, dipl.iur. generalni sekretar**

Za Zapisnik:

**Alma Voloděr-Madacki, dipl.iur.**